

寧洋志目錄

卷一 天集

舊序

纂修姓氏

凡例

縣境圖

縣署圖

學署圖

卷二

輿地志

肇建

疆域

形勝

分野

山川

里社

附聚落

物產

風俗

附歲時

寧洋縣志

卷之一 目錄

一

卷三 天集

建置志

城池

公署

附公館  
舖舍

學校

附祭器  
學田

社學所  
鄉約所  
書院

弁署

附兵房

壇廟

附祠碑

橋渡

街市

亭塔

附樓閣

恤政

卷四地集

賦役志

戶口

土田

賦役

鹽課

卷五 地集

官師志

職員

縣官

學官

防官

名宦

卷六 地集

武備志

民兵

險隘 附防兵

教場

卷七 地集

寧洋縣志

卷之一 目錄

二

秩禮志

文廟

壇

廟

祠

典禮

卷八 地集

人物志

薦辟

科目 附武科

歲貢

例監

封贈

椽階

鄉賢

列賢

鄉善

鄉賓

貞烈

流寓

卷九人集

藝文志

碑記

傳文

策議

卷十人集

雜事志

中官

寺觀

仙釋

祥異

兵亂

寧洋縣志

卷之一 目錄

三

舊序

寧洋縣予不佞隣治也壤接姻聯事獲習耳客歲子退休家食已聆學博唐君與之介請鄧君成藩泊廖子思騰曹子維垣輯脩寧志甚盛舉也茲復辱唐君命二子走幣過予屬予以志序予受簡卒業僭弁之言曰九丘遼邈莫得寓目則嘗橫襟而披禹貢几山川土地貢賦物產纚纚登紀爲博洽君子取信後人昉之而史編郡邑紀載則命曰志夫志固逕庭於史大都疆域土風則志物產創建

寧洋縣志

卷之一

舊序

一

則志食貨兵防祠宇政教則志名臣詰士貞媛善良則志卽外而災祥道釋亦臚列不遺館閣摛藻者業徃二左券畱志則志未始不爲史志洵烏可已哉蓋志繁則複簡則遺溷則失序昧則弗彰銜文采則實不中聲專溢美則近諧俗調徇情者曲任已者偏有一于是何以示公而垂法戒寧設幾四十年前邑大夫雖頗具載紀然綱目豈盡明事寔豈盡核條序豈盡當文質豈盡宜應書而不書不應書而書者不終無也矧風氣猶鬱規畫猶疎

得失勸戒闕而未明近獲二三君子踵泣視篆釐  
奸剔蠹修舉興作顛班班足式以子所習聆及莊  
誦新志顛末則盛而可傳者莫若董鄧二侯且也  
是志之作疆域而下雜紀而上必表年首事綱挈  
目隨詞不蕪而其事備序不舛而其統正文不侈  
而其質彰不牽浮議不怵貴勢不比親暱勸戒之  
義昭若日星儼然一邑之史真足信今而傳後者  
哉子不佞辱二子之屬乃不分越見而命管城子  
以冠乘端云

寧洋縣志

卷之一

舊序

二

萬曆庚子年四月

賜進士出身中順大夫浙江處州府知府前刑部  
郎中漳平陳九叙序

又

楊君爲寧之三年政紀卽叙班黎悅康吏無骫度  
野無伏奸亦云治矣公退暇乃以先任南海鄧侯  
所著縣志刪述之稿成遣僕歸省問予于堆雲草  
堂求志跋語焉余詫曰閩浙相去數千里道路阻  
修予詢風俗風俗未諳也考形勝形勝未覽也稽

人才物產人才物產未覲也妄言及之不幾浪語哉志爲一邑傳信史母用此浪語爲也僕聞言乃出前鄧侯所次縣志一帙授之予讀再過作而言曰噫哉斯是之舉乎夫縣有志猶家之有籍也家有籍記某居室若干某田地若干某賦入若干某什器若干某因某革某損某益俾後世守焉無籍記之家法隳矣乃爲政者可廢籍乎矧寧爲新剏邑諸凡未備自董侯經營之鄧侯脩舉之今楊君增飭之二三君拮据之難何趨翰家子也志不記

寧洋縣志

卷之一 舊序

三

籍不傳孰知土疆所由察版章所由明乎賦歛所由經文獻所由稽乎久且湮滅無聞觀風者欲採爲通志曷所從事乎惟我楊君輯鄧侯所爲志者以備參考庶幾哉方域辨人紀叙風俗察吏治覈以釐蹠鑿以彰淑懿以興財用以殖民萌昭然一邑典章也昔韓退之曰莫爲於前美弗彰莫爲於後盛弗傳今而後美彰矣盛傳矣諸君克家之畚至是有托矣不然文獻不足宣尼且歎其無徵後政者曷所憑藉哉予故曰噫哉斯是之舉也予退

伏山野忘情世故久矣重楊君請不揣而書之以復使者

萬曆十一年

賜進士第文林郎四川道監察御史奉勅巡按山西等處前中書舍人仁和金階序

又

寧洋彈丸新造儀制文物缺十之五而邑乘已有成書蓋先任南海鄧公錢塘楊公次第輯而成者二公之用心亦勤哉會予承乏茲土而學博張太

寧洋縣志

卷之一

舊序

四

史孝廉廖太史俱菽林冠冕嫻習土風間指邑乘而示予曰某也俚某也蔓某也傳而訛畷更定之未皇也無幾何按臺陸公以兩淞宗工收八閩勝槩謀脩通省志以垂不朽檄寧亦以志上乃屬二君商確校讐俚者銜蔓者芟訛者核原六卷釐爲五卷以付剞劂氏二君謂予令也歲月不可不紀予竊以寧之有志猶寧之有令也寧不堪令令之設也見國家疆理之無外焉寧不堪志志之脩也見國家文教之不遺焉不然者寧之物產賦役人

文視漳諸屬萬不及一柰何以涓滴之流溷滄海之派哉然既有令矣固宜有志既有志矣則令宜無忝於志今之志昔於昔令無私臧否後之志今於今令豈私袞鉞可不畏乎寧瘠而陋若難理隘而朴又若易理可不勉乎矧今太守閔公提衡十屬精神靡不周洽而又念寧之窮且陋也諸所頒布規條皆技經肯綮之習嘗者奉而行之亦既可

寧洋縣志

卷之一

舊序

五

一泓於城西隅引南北之水會縣洽之眉皆有裨於風水之大者寧之昌也日可俟也則按君之葺志而不捐寧之僻陋也倘亦風雅之托始而鎬芑之肇基乎予二三人卽無似且得附姓名於後矣  
萬曆庚戌年冬月

鄉進士文林郎知寧洋縣事匡南許一元序

又

東西洋乃龍巖故壑介延汀萬山中嘉靖末島夷內訌群不逞乘釁干紀仰賴聖天子威靈戡定敕

寧博士弟子言治安久長惟作邑樹牧監公大吏  
訐謨僉同爲請于朝析龍巖大田永安地置寧洋  
縣仍隸漳州顛末悉具本志萬曆甲戌冬予踵董  
柳二公承乏茲土私計謏劣蚤負新造朝夕冰兢  
殫心詢瘼閱五春秋董二寡過尋調詔安錢塘楊  
公繼之尤幸共事一方每以意氣相許可以故諸  
所未逮爲者輒相告而楊公毅然舉行之無何有  
三山之役而楊公適奏最期矣曩時不揆凡邑中  
山川險易錢穀甲兵民情土俗官師建置嘗搦管

寧洋縣志

卷之一 舊序

六

記之欲爲新邑備故事乃以徙官未克付梓今楊  
公當政通民和之暇講蒐墜典纂緝成志走介徵  
言弁諸首簡愧無能爲役然豈寤寐能忘茲土哉  
乃出舊章叅以新志校讐互攷合併成編夫志古  
史氏之流也寧故巖險蒼莽區自設邑以來皇澤  
之浸潤教化之薰陶邇者青衿絃誦比屋可封黎  
元耕鑿閭閻安堵聲名文物駸二乎與舊迥異載  
記而揚厲之豈非長吏者職事哉矧覽輿圖而疆  
理咸正矣察形勝而防禦足籌矣觀風俗而化理

可施矣檢戶數而休戚上聞矣叙秩官而鑒法具存矣記人物而振作有緒矣一志而衆善備吏治所關誠非淺鮮也雖然猶有說焉寧雖新邑然山谷之民性尚樸寔瘡痍之後待治方殷樸寔之民而以寔心寔政施之惟在司牧者加之意耳予與楊公蓋嘗試而驗之亦庶幾同心共事之雅者爰書之用識歲月兼以爲後之同事者勗云

萬曆癸未年春穀旦

鄉進士福建福州府同知前知縣事南海鄧于蕃

寧洋縣志

卷之一

舊序

七

譔

又

嘗考寧洋境土卽龍巖集賢里東西洋巡檢司故址也商周而上夔乎邈矣秦漢而下在三國時則東西洋者直建安郡苦草鎮之一隅迄晉大康三年分建安爲晉安郡領縣八其一爲新羅卽苦草鎮地而新剏之者也東西洋始轄於新羅縣在唐開元二十四年置汀州治新羅天寶元年改新羅爲龍巖治於汀如故大曆十二年始割龍巖隸漳

州自唐歷五季宋元代遞推遷隸治因之迨我明興正統十一年值鄧茂七亂設巡檢司於東西洋鎮之仍屬龍巖成化七年溫文進亂割巖地聚賢等五里設漳平嘉靖初鄭星亂又割聚賢附設大田後至四十一年蘓阿普等亂酋衆楊一等殺漳平知縣魏文瑞有巖庠廩生曹文華曹鳴鳳慨然陳八議請設治于東西洋以撫柔此一方生靈當道俱可其議巡海副使周公賢宣力主其議縣乃設隆慶元年縣成革巡檢司以前日兵戈擾攘者

寧洋縣志

卷之一 舊序

八

此東西洋今一旦清寧文物濟楚者亦此東西洋因以寧洋命名縣屬於漳而集賢里更爲集寧又割回聚賢里仍屬於寧更曰聚寧割自永安者則曰永寧里永寧視集聚僅十之三耳原亦屬沙縣後因李烏嘴亂始割以設永安今又割附於寧摠寧之形勝馬山疊嶂于上貴人雙桂諸峰拱揖于下峻陡合沓水清流激獨踞清漳上流稱一方雄勝矣而遡其山來寔草鎮舊壤汀州故治也騰不佞若而人徼驥附修志名後謹覈訂故寔巔末以

備後日鉅公蕘採若狂瞽僭妄之罪亦自分無所逃哉

萬曆庚子夏邑諸生廖思騰謨

又

寧雖蕞爾旣屬清漳不讓之壤則一隅見聞亦史家之所不遺也予丙申春忝蒞茲土適值寇氛煽虐之後見夫山川疆域之蕭條城郭庠序之荒廢戶口田土之耗損風俗人物之變遷蓋不勝泫然悲之嗣而大將軍南征徵輸雜派羽檄交馳予實

寧洋縣志

卷之一

舊序

九

飲冰自努惴惴焉日爲地方請命而不暇年來百凡廢缺次第舉而新之求稍復兩洋舊觀惟修志未舉早夜在懷幸學博張君爲莆中名宿文士宗工與之謀及遂欣然領畧纂輯成書事核理明足以信今而傳後蔚爲寧光豈非設邑來百餘年一大快哉予乃喟然嘆曰志也者夫豈徒哉凡以備物章軌述往憲來而治理具焉是教我以修政立事也是教我以濟人利物也是教我以移風易俗也初欲補典籍之缺耳按志所言則我之爲貴蓋

重矣謹授梓以傳漫綴數言使後來觀焉者其必有興於斯矣

康熙元年歲次壬寅王月望日吉旦文林郎知寧洋縣事蜀臨邛蕭亮序

又

上古有九丘與三墳五典并出後世轉相祖述禹貢職方之外輿地有圖郡國有誌山海有經風俗有錄則志之重乃自古記之矣漳於閩爲沃區名郡寧之於漳特分割新設耳猶黑子之着面何以

寧洋縣志

卷之一

舊序

十

志爲況值灰燼之後問夫山川果如昔之秀麗否問夫人物果如昔之振拔否問夫戶口財賦果如昔之繁庶豐盈否問夫城郭宮室果如昔之堅完翬翼否予丁酉領一氈于茲數椽不蔽風雨十事九不如意自蕭侯化育五六載政修廢起凡地方所欲爲而力不逮者以次畢舉去秋復向予商修志事予踴躍而起曰寧今可以志矣嘗讀書見滕雖小國當諸侯惡法度之害已皆去其籍滕于是時獨欲行王政孟子告以庠序之制喪葬之禮貢

助之法經界之政井然綽有條理滕以故得爲善國夫孰得而小之哉然則地無大小得其人則雖小而大予觀蕭侯之治寧如滕遂使彈丸懸磬之寧得與漳屬之大邑抗衡爭勝今而後寧可以志矣予豈敢以固陋遜謝俾將來有文獻不足之嘆哉

歲在元默攝提格孟陬穀旦莆陽張豐玉書于署中之學半齋

又

寧洋縣志

卷之一

舊序

十一

邑之有志猶國之有史也寧爲吾漳新設未滿百年顧安可曠數十年而無志耶寧置戶百餘分割龍永大三縣以成茲邑其實與巖之風土殆相近焉縣治本巖集賢里凡流風遺俗尚有考亭之訓存不特吏茲土者可以修政惠師卽生茲土者可以典學興行至若地之接界上游爲劍川通衢亦吾漳之一鎖鑰也凡所以固邦而資治者端有藉於紀載之修明修之則邑治之沿革山川之嶮岨戶口之殷耗財賦之豐盈風景之華樸人物之顯

微可考而知寧自戊子後屢遭兵荒幸蕭侯下車多方安撫民氣旋蘇文運寢興予果叨登第茲乘蕭侯雅意委重張年臺修志則後日記載之始咸於是衷焉由是通之一郡俟之百世猶列國之史竝備採擇豈僅有關於一邑也哉

邑人進士吳材謨

又

邑之有誌誌斯邑也山川之形勢戶口之殷繁士民之習尚與夫令之賢否政之得失歷千百載而

寧洋縣志

卷之一

十二

後鏡若列睂猶國之有史徵諸往而垂諸來良亦可懷哉寧故彈丸小邑也割龍巖大田未安各一里而成爲一邑壤地已褊小矣兼之兵火之後人民迯散城郭空虛閭里蕭條余癸亥秋叨蒞斯邑求其所謂建置賦役戎備秩禮者幾不可問至欲索邑乘以爲觀風問俗之一助則又闕如也朝夕飲冰招徠復業城以內外斯有生聚固實戶口矣端習尚矣興廢舉頽以無負此職矣而于昔人賢否得失之間亦凜凜焉不敢旦夕忘之況今

聖明在上車書一統若使蕞爾僻邑致有闕文亦烏  
乎可于是蒐採遺誌謀諸學博紳士舉而重修之  
綱目條理井井可觀曰此余興廢補闕之責也此  
余見賢思齊之意也今而後觀風問俗者其在斯  
矣

康熙二十三年甲子歲一陽月三韓李文然謹序

新修縣志姓氏

主修 提調官文林郎寧洋縣知縣沈 荃

鑒修 儒學訓導郭如奎

繕局 署典史事吳元臣

總裁 舉人吳 璉集人寧里

叅校 貢生羅 開未人寧里

吳梓楠集人寧里

林儲材府漳人州

監生唐 訥府漳人州

寧洋縣志

卷之一 纂修

一

曹世佐集人寧里

丘 壇集人寧里

纂修

生員楊新日漳人平縣

鄧世燧集人寧里

曹元瑜集人寧里

曹元琳集人寧里

賴朝禹聚人寧里

郭聯登聚人寧里

丘唵詩集人寧里

督梓

里民曹光伯

集寧人

新修縣志姓氏終

寧洋縣志

卷之一

纂修

一一

重修縣志例言

一寧之有志自鄧楊二公始而許公更定之時新邑草創百凡未備至國朝康熙元年邑令蕭公與學博張公共謀纂修詳加考核綱舉目張幾無遺憾迄今簡編多闕人事亦增因有是舉其載筆一依原文間或時移物換難襲故常者畧訂一二庶免膠柱之誚云

一前志舊板存者強半必盡更之梨棗之資殊爲可惜而事所當續補者又不得仍抄舊文因細

寧洋縣志

卷之一 例言

一

加檢閱或增續傳文或參酌字句既事未嘗遺而文亦不多贅頗費經營觀者諒之

一建置志中如鄉約所弁署兵房前志未備賦役志中鹽課又因時共議是皆關要務悉爲補入一山川形勝間有騷人墨客留題寄詠皆足增光景物今仍舊志各掇錄于山川之下

一戶口土田照依黃冊增減其錢糧科徵等項賦役全書可稽因之而已

名宦以遺愛在民功德不泯而傳若現在仕途

名位未可限量其建豎事蹟以待將來表章  
一 人物一依前志其有增入者或另立一傳或名  
下細註雖善善欲長然必質之輿論無敢私也  
一 秩官無論崇卑人物不分仕隱俱以世次爲先  
後非有低昂也


一 城郭學校津梁皆建置之  
大者必有名筆記載  
今俱存之若生祠去思碑之類以及先輩著述  
只採其有關係者錄之至于公移必出于經濟  
苦心爲民請命者錄其一二餘難悉及

# 寧洋縣圖


寧洋縣志

卷之一 地圖

一








學署

寧洋縣志

卷之一 地圖



寧洋縣志

卷之一 地 圖

四

